

Na osnovu člana 76. Zakona o dopunskim pravima boraca – branitelja Bosne i Hercegovine („Službene novine Kantona Sarajevo“, broj: 31/22) i člana 70. stav (1) tačka 2. Statuta Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15 i 9/20) Općinsko vijeće Vogošća, na sjednici održanoj dana 28.02.2024. godine, donijelo je:

**ODLUKU
O ODOBRAVANJU I IZDVAJANJU NOVČANIH SREDSTAVA
IZ BUDŽETA OPĆINE VOGOŠĆA ZA 2024. GODINU
ZA RVI 100% I GRUPE – PARAPLEGIČARE
SA MJESTOM PREBIVALIŠTA NA PODRUČJU OPĆINE VOGOŠĆA**

Član 1.

Korisnici novčanih sredstava prema ovoj Odluci su RVI 100% I grupe – paraplegičari, koji ostavaruju svoja prava u Službi za boračko – invalidsku i socijalnu zaštitu Općine Vogošća i koji imaju mjesto prebivališta na području općine Vogošća.

Član 2.

Korisnicima iz člana 1. ove Odluke, odobrava se izdvajanje novčanih sredstava u mjesečnom novčanom iznosu od po 200,00 KM (dvijestotine konvertibilnih maraka).

Član 3.

(1) Novčana sredstva za korisnike iz člana 1. ove Odluke, obezbijeđena su u Budžetu Općine Vogošća za 2024. godinu.

(2) Isplata novčanih sredstava vršit će se iz granta „Pomoć borcima, porodicama poginulih, umrlih, ranjenim borcima, invalidnim licima i pomoć za liječenje“, ekonomski kod 614232.

Član 4.

Za realizaciju ove Odluke, zadužuje se Općinski načelnik, Služba za boračko-invalidsku i socijalnu zaštitu i Služba za budžet i finansije, svako u okviru svojih nadležnosti.

Član 5.

Ova Odluka stupa na snagu osmog dana od dana objavljivanja u „Službenim novinama Kantona Sarajevo“, a primjenjivati će se za 2024. godinu.

Broj: 01-02-299/24
Vogošća, 28.02.2024. godine

PREDSJEDAVAJUĆI
OPĆINSKOG VIJEĆA VOGOŠĆA



Avdo Gljiva

